



13.05.2025

UPA151/2026

Pipaluk Lyngø

Meerarsiat meeqqat allat assigalugit feriarnissaminnut, ilaqutariittullu inuunissaminnut periarfissaqarnissaat qanoq sulissutigisinnaaneripput pillugu, apeqquteqaat aallaavigalugu oqallinnissamik siunnersuut

Inatsisartunut ilaasortaq Pipaluk Olsen, Demokraatit

Inuit Ataqatigiit sinnerlugu imak oqallisissiaq oqaaseqarfigissavarput.

Inuit Ataqatigiinniit meeqqap ilaqutariillu avissaannginnissaat pingaartipparput. Ilaqutariinni ajornartorsiuteqartillugu, ilaqutariittut aaqqiissutissanik ujartuinissaq Inuit Ataqatigiinniit pingaartipparput. Kommuneni ilaqutariit ikiorserneqarnissaat Inuit Ataqatigiinniit pingaartipparput. Meeraq toqqissilluni angajoqqaamini najugaqarnissaa pingaaruteqarpoq, taamaattorli meerarsianngorsimatillugu, ilaqutartaamini toqqissilluni inuttut ineriartornissaa Inuit Ataqatigiinniit pingaartipparput, angajoqqaarsianngortartut piginnaasaat aamma pingaaruteqarput, meeqqap aqqusaarsimasaasa mamisarsinnaanissaat pingaaruteqarpoq. Anaanarmi ataatarlu taarserneqarsinnaanngimmata, meeqqap pisariaqartitai tamakkiisumik, anaanap avataani tunniunnissaat killeqalersarmata.

Ukiormut Namminersorlutik Oqartussat millionerparujussuit meeqqat angerlarsimaffiup avataanut inissinnera naleqartarpoq. Nunatsinni ilaqutariit avissaartinnagit, aningaasarpassuit taakku atortakkagut, ilaqutariinnut atussannginnerpagut? Kommunit iliuuserisinnaasaat inerisartuarnissaat pingaaruteqarpoq, meeqqap avatanaanut inissinnera pitinnagu. Nunatut naleqartitatta ersarissumik nalorninarunnaarlugit siunniussisarisaqartugut, Inuit Ataqatigiinniit isumaqarpugut.

INUIT ATAQATIGIIT INATSIARTUNI



Meeqqap avataanut inissinnera aningaasarsiutinngortinnginnissaa pingaaruteqarpoq. Meerarlu nammineq pigisutut inooqatiginiaraanni, aamma feriarnissamut pilersaarusiorsinnaanissaa Inuit Ataqatigiinniit nalilersorparput. Kommunit naligiissumik atugassaqartitsisinnaanissaat pingaaruteqarpoq. Meeqqat atugarliortut ajoraluartumik ikigisassaangillat, taamaattorli meerarsiat feriaqataasinnaanissaat, kommuneni agguaqatigiisillugit ingerlanneqarsinnaanissaa inerisaaqqinnikkut. Ilumoorsinnaanngilarmi kommunenit ilaanni ajornannginnerusoq, ilaannilu ajornanerusoq. Taamaattorli aningaasarparujussuit 14.3 millionit pinaveersaartitsinissamut atorsinnaanissaat Inuit Ataqatigiinniit pingaarutilittut isigaarput.

Taamak oqaaseqarluta, oqallisissiamut qujavugut.